

DE

CALCULO RENUM ET VESICÆ
URINARIÆ.

QUAM,

ANNUENTE DEO TER OPT. MAX.

Ex Auctoritate Magnifici Rectoris,

D. ANTONII SCHULTINGII,

J. U. D. ET ANTECESSORIS ORDINARIJ;

NEC NON

Amplissimi SENATUS ACADEMICI Consensu,

& Nobilissimæ FACULTATIS MEDICÆ Decreto,

PRO GRADU DOCTORATUS,

Summisque in MEDICINA Honoribus & Privilegiis,
ritè ac legitimè consequendis,

Eruditorum Examine submittit

CHRISTOPHORUS FARWELL, Anglo-Britannus,

Ad diem 24. Septembris 1729. hora locoque solitis.



LUGDUNI BATAVORUM,

Apud JOHAN. ET HERM. VERBEEK, 1729.

THE NEW YORK PUBLIC LIBRARY
ASTOR LENOX TILDEN FOUNDATION
500 5TH AVENUE
NEW YORK 17, N.Y.

THE NEW YORK PUBLIC LIBRARY
ASTOR LENOX TILDEN FOUNDATION
500 5TH AVENUE
NEW YORK 17, N.Y.



THE NEW YORK PUBLIC LIBRARY
ASTOR LENOX TILDEN FOUNDATION
500 5TH AVENUE
NEW YORK 17, N.Y.

V I R I S

P R Æ S T A N T I S S I M I S,

JOHANNI AYSHFORD,

AVUNCULO SUO PLURIMUM

H O N O R A N D O:

GULIELMO ROOPE,

AFFINI SUO ET AMICO INTEGERRIMO,

A R M I G E R I S,

*Dissertationem hanc sacram
facit*

C H R I S T O P H O R U S F A R W E L L.

THE NEW YORK
LIBRARY

1054.3.1.1
1875

CELESTIAL
MATHS

THE NEW YORK
LIBRARY



DISSERTATIO MEDICA
INAUGURALIS,
DE
CALCULO RENUM ET VESICÆ
URINARIÆ.



Posteaquam hujus Academiæ legibus, quæ spectant eos, qui gradum in Medicina Doctoratus ambiunt, satisfacere decrevi, diu in ambiguo versatus sum, de dissertationiunculæ, quam ab unoquoque deponere solemne est, subjecto eligendo: tandem vero, de *Calculo Renum & Vesicæ Urinariæ*, pro viribus dicere constitui. Quippe quum ex hoc morbo sævissima, & non raro lethalia, sequantur symptomata, mihi præ cæteris morbis Medici solertis curas postulare videbatur.

Calculi definitio primo danda est, dein ejus historia, denique vero, quæ ad ejus curationem pertinent, ex ponere aggrediar.

Inter Medicos sub nomine calculi intelligitur materies quædam, in corpore humano ex humoribus nata quæ semel nata dura est variis gradibus, fragilis satis, & facile conterenda, si cum ossibus dentibusque comparetur: solubilis non est in ullo humore, in corpore deprehenso, & differt ab

omnibus aliis concretionibus morboſis, quæ unquam in corpore fuerunt deprehenſæ.

Nulla eſt pars corporis humani, in qua non inventi fuerint calculi: præſertim vero in iis locis occurrunt, in quibus tranſitus fluidorum tardiffimus eſt, & ubi formantur cavitates, ut ſunt vaſa renum, & folliculi glandularum. Nam quocunque in loco ſunt vaſa, humorem ſecretum recipientia, ibi ſta- gnatio fieri poteſt, unde calculi generantur: & gradus duritiei acquirunt varios, reſpectu nimirum loci, in quo fuere genera- ti. Solidiffimi & omnium duriffimi plerumque ſunt illi, qui in renibus & veſica urinaria reperiri ſolent; ſunt enim hi adeo indurati, ut, quando ſemel ſunt formati, nec in corpore a noſtris humoribus, nec extra corpus a quovis menſtruo (ſpiritu nitri excepto), corpora duriora ſolvente, ullo modo poſſint imminui.

Quoad formam ſive figuram externam diverſitas eſt ma- gna; differunt enim inter ſe haud aliter (ſi liceat dicere), quam lapilli, qui in terrarum ſuperficie, in montibus, flu- minum ripis, marisque litoribus inventi ſunt.

Calculi humani variis à ſe invicem diſtinguuntur notis; coloris enim reſpectu, calculi ſunt rubri, flavi, cineritii, albi, nigricantes &c. diverſitas hæc oritur forte a calculi magnitudine, ~~a diverſitate ejus~~, ab externa figura partium coëuntium, vel a diverſitate contactus minimarum partium: notandum quoque eſt, varios colores etiam in uno eodem- que calculo obtinere. Quoad figuram externam, calculi ſunt rotundi, ova- les, oblongi, angulares, ad latera com- preſſi, magni, parvi, glabri & læves, vel aſperi & inæ- quales, quorum figuræ in ſuperficie vel caſui debentur, vel ſunt, quæ a compreſſu vicinarum partium, vel a pluribus in veſica urinaria, aut alibi ſimul contentis, oriri poſſunt. Quoad friabilitatem illorum, maxime inter ſe differunt; alii enim ſunt valde poroſi & molles, & inſtar cretæ inter digitos con- terendi, alii ſunt magis indurati, & quaſi in ſiliceam denſi- tatem concreti: omnes tamen, cum mallei iectibus (quos oſſa ferunt) ſint expoſiti, in fruſtula diffiliunt.

Cal-

Calculi non tantum hominibus (ut vult ARISTOTELIS), sed aliis quoque animalibus accidunt. In ventre boum ac intestinis lapides persæpe reperiri, frequens est lanionum observatio: ex quo exemplo auctoris jam memorati refutatur opinio, asserentis, nullum (α) animal, homine excepto, calculo affici, nisi forsan de renum & vesicæ urinariæ calculo solum (quod quidem rarius est) loqui voluerit. Hoc vero per observationes recentiorum evictum est: *Clarissimus RUYSCHIIUS* testatur, se calculum in renis canini (β) pelvi invenisse: de vacca itidem quadam memorat, plures in (γ) vesica ejus calculos fuisse inventos, uti & tunicam ipsam interiorē vesicæ lapideam esse tactam. Inter corpora hominum & brutorum est procul dubio magna similitudo, præcipue in quarundam partium structura (ut viscerum), cum experimenta, in fluidis corporis humani & brutorum capta, exacte sibi invicem respondeant: unde iidem morbi quandoque in utrisque observantur. Calculos præterea non solum in hominum corporibus, sed etiā brutorum non raro reperiri, mirificæ istæ concretiones, Hippoliti scil. nec non lapides Bezoardici &c. abunde testantur.

Quam vero mira sit talis dispositio in corpore humano ad generationem calculi, observationes Clarissimorum Virorum evincunt, & nobis ostendunt, nullam partem esse, quæ apta non sit calculis producendis, & in qua aliquando non reperti fuerint.

Imprimis in (δ) artubus deprehensos fuisse calculos, sufficiat arthriticos advocare, qui sæpe ad articulos materiam gypseam, cretaceam habent, adeo accretam, ut nec manus, neque pedes munere suo fungi possint. In homine, dolore capitis perpetuum afflicto, inventus fuit lapis, ex gypsea materia concretus, & in membrana inclusus, partem capitis posteriorem occupans, sub futura (ϵ) Lambdoidea, inter duram & piam matrem, atque adeo duræ matri adhærens, ut non
nisi

(α) Sect. 10. Prob. 40. (β) Cap. 4. Observ. 2. (γ) Thef. 4. Tab. 2. (δ) Bonet. Sepul. Anat. L. 4. S. 8. Obs. 3. & 5. (ϵ) Fabr. Hildan. Cent. 1. Obs. 11. & C. 5. Obs. 1.

nisi vi magna avelli posset. In ipsa glandula (ζ) pineali observatus fuit calculus: mulieri, annos natæ 45. atque admodum afflictæ continuo capitis dolore, tandem per (η) palatum lapis sponte sua in os decidebat, magnitudinis nucis moschatae, durus & asper, ex cinereo flavescens, & admodum foetidus. In (θ) tonsillis, calculi inventi fuerunt, ut refert LANGIUS. Sub (ι) lingua: in (κ) pulmonibus aliis occurrere: imo etiam totus pulmo observatus fuit in (λ) lapidem quasi mutatus. In cordis (μ) pariete inter ventriculos: in (ν) ventriculo ipso dextro: & circa (ξ) valvulas reperti fuerunt: uti & in hepatis (ο) substantia, & vesica (π) fellis &c. In (ε) ventriculo, ad fundum ejus adhærens, calculus magnus inventus fuit, qui dolores enormes & vomitus excitabat. De lapide in (σ) utero foemineo loquitur HIPPOCRATES: & de (τ) foetu, in utero materno petrefacto, mentionem facit HELMONTIUS.

De renum & vesicæ urinariæ calculis, haud necessarium esse credidi, auctores enumerare, nam vix ullus est, qui per famam non audivit, aut in se ipso, aut in vicino rem non perspexit.

Apud auctores celeberrimos plura talia exempla curiosioribus harum rerum proponuntur. Sed ex dictis observationibus satis demonstratum est, nullam corporis partem esse, quæ calculis producendis apta non sit, saltem quamplurimis locis generari posse, excepta medulla ossium, in qua nunquam adhuc calculi observati sunt apud auctores.

Dum vero hanc vel illam partem calculus possidet, symptomata admodum dubia & fallacia gignit, & alios morbos adeo simulat, ut Medici, quanquam sagacissimi sint, facile fallantur; nam observatus fuit in linguae substantia hominis
muti,

(ζ) Phil. Transf. n. 209. (η) Fab. Hild. C. 5. Obs. 1. (θ) Lib. 2. Epist. 57. (ι) Transf. Ph. n. 247. (κ) Crucius de Quæsit. p. 93. (λ) Bonet. Sepul. Anat. L. 2. S. 1. Obs. 47. (μ) Transf. Ph. N. 5. (ν) Zacutus Lusit. L. 2. C. 141. (ξ) Horstius L. 4. Tom. 2. Obs. 47. (ο) Bonet. Sep. Anat. L. 3. L. 16. Obs. 5. (π) Nuck. de Mot. Bilis. (ε) Horstius Institut. 142. (σ) de Morb. Vulg. L. 5. S. 7. (τ) In Tractat. de Lithiasi C. 1. S. 17.

muti: quis tamen crederet, a calculo loquelæ defectum illum ortum fuisse, nullis signis externis, tale quid manifestantibus: aut quis cogitaret, enormes illos dolores ventriculi & alia symptomata a calculo, ad fundum ejus hærente, ortum duxisse.

Enumerare omnia, quæ ad calculos, in variis corporis partibus generatos, pertinent, mei non est propositi, neque id angusti dissertationis inauguralis limites permittunt: quare ut brevis sim, tantummodo de Calculo Renum & Vesicæ Urinariæ agam.

Primum verò inquirendum est, qua ratione in renibus & vesica generentur calculi: qua de re inter Medicos antiquos variæ & dissentientes reperiuntur opiniones. Alii calori renis immoderato originem ejus deberi affirmant; volunt enim, crassa illa, viscosa, pituitosa, atque tartarea excrementa, ut vocant, quæ materialem ejus causam parere asserunt, paulatim exsiccari, & tenuioribus & humidioribus dissipatis in speciem lapidis converti, haud aliter quam videmus ex succis herbarum viscidis, & ex mineralibus lapides medicamentosos a Chemicis quodam calore & exhalatione excoqui. GALENUS autem, cum nusquam in corpore humano talem caloris gradum, qualis in furnis chemicis occurrit, deprehenderit, aliqualem tantummodo caloris gradum pro calculis producendis supposuit, qualis in aquis tophigenis observatus est, quæ, quanquam tepidæ solummodo sint, tamen concreciones lapideas deponunt. Alii ad frigus, quasi ad anchoram, confugiunt, putantes, humores crassos & viscosos instar glaciei congelari, unde calculus. Nonnulli spiritum quendam salinum, lapidificum, & urinæ naturalem, terram volatilem, ut vocant, constringere volunt, qua ratione in renibus & vesica, ens quoddam novum, *Duelech* a PARACELSO & HELMONTIO appellatum, produci contendunt. Alii hanc, alii illam causam pro lubitu assignant.

Notum est ex urinæ analysi, eam conflare ex variis partibus, quæ causam materialem calculi constituunt: per experimenta Boyleana eadem principia dereguntur in calculo

ac in urina, licet proportione inversa. Quis non observat urinæ varias hypostasas ad fundum urinalium subsidere, imo ipsis matularum lateribus crassam, lapidosam materiem accrescere? Talis vero materies in urina hominum sanissimorum, qui nunquam calculo laboraverunt, observatur. Sumatur hominis sani lotium, manè redditum, quod, si statim microscopio lustretur, nil calculosi exhibet; paulo post, si steterit quietum, corpuscula ostentat, quæ in nubem (vulgo dictam) se formant, quæque microscopiis inspecta sub arenularum forma apparent. Talis est materia, ex qua calculi renum & vesicæ urinariæ formantur, unde omnes homines in corporibus suis causam materialem calculi generandi habent, quare nil nisi causa, exitum ejus impediens, requiritur, ut calculus generetur.

Omnis calculus renum & vesicæ pro basi nucleum quandam habet, qui formatur ex fluidis corporis humani, & nasci potest ex minutissima quadam particula, in rene hærente, vel a quodam heterogeneo corpore, in vesicam fortuito incidente, & ibi manente, ut (v) ferro, (φ) ebore, ligno, pluma, aut alio quovis corpore. NUCKIUS experimentum tentavit, quod bene cessit: in vesicam canis (χ) globulum ligneum intrusit, quem post paucas septimanas, inspecto abdomine & vesica, observavit calculis exiguis esse incrustatum. FERNELIUS dicit, se in calculis permultis, quos obtrivit, semper in medio invenisse (ψ) nucleum. *Clarissimus Professor BOERHAAVE, Præceptor meus, nunquam sine honore & reverentia summa memorandus*, talem calculum publice auditoribus suis ostendit, in cujus medio nucleus erat, mori sylvestris fructui haud absimilis, cui circumcrevit undique materies calculosa, lamellatim quasi apposita.

In calculo renis nucleus hic (si ita vocare liceat) ex consensu hodiernorum Medicorum, prima fundamenta sua ex
renum

(v) Tr. Phil. N. 168. (φ) Ibid. N. 260. (χ) Adenograph. p. 79. (ψ) Lib. 6. c. 13.

renum vasculis accipit, quod forte fieri potest hisce rationibus. Primo ab adveniente eo loci corpore quodam, crassiori quam ut per vascula transire possit, quo tempore liquidior pars dispellitur & terrestris retinetur, cui aliæ partes terrestres supervenientes accrescunt, hac ratione sensim sensimque mole crescens, vas continens adeo distendit, ut tandem rumpatur: sic in vas secretorium, dein in pelvim fertur, ubi, assiduo novæ materie appulsu, semper in majorem augetur molem, donec data occasione ulterius protrudatur. Secundo ab inflammatione; nam ubicunque in superficie corporis accidit inflammatio, reddit partem imperspirabilem. Sic in rene, si inflammatio ad illam partem papillæ, versus vas secretorium spectantem, accidit, papillam ita obstruit, ut urina excerni non possit, saltem quod exit valde parum & tenue est: unde quidquid eo fertur, accumulatur, & dum subtilior pars transsudatione elicitur, crassissima in veros lapillos concrevit: unde post renum inflammationes, meatibus iterum apertis, cum urina arenulæ, materia sub pilorum forma, & similia sæpe excernuntur. Tertio forte ab ulcere quodam; si ulcus aliquod renis adsit, vel inflammatio in suppurationem sit versa, tota interna cavitas ulceris pure implebitur, quod, ubi admixtum est particulis crassioribus terrestribus, lapideam acquirit duritiem: hinc aliquando post dolores nephriticos calculus cum materia saniosa & purulenta excernitur.

Calculi vesicæ formatio haud multum ab ista renalis differt: sed notandum est, calculum vesicæ sæpissime originem ducere a renibus, dicto nucleo ex rene per ureterem in vesicam delapso, ibique manente, dum in molem majorem citissime accrescit. Hanc sententiam maxime inculcat FERNELIUS, qui dicit, se neminem hætenus offendisse calculum in vesicâ habere, qui doloribus nephriticis (ω) ante divexatus non fuisset. Contra hanc Fernelii opinionem non pauci doctis-

B 2

simo,

(ω) Lib. 6. c. 13.

simorum Virorum putant, nullo modo necessum esse, ut vesica semper nucleum a rene acciperet, sed sine ulla prægressa renum (α). labe primum calculi rudimentum posse formari & calculum generari; notum enim est, vesicam inflammationi, suppurationi, ulceri, scirrho &c. obnoxiam esse: ex quibus patet, quod, si aliquid insolubilis, concreti puris præbeatur, & per urethram non expellatur, nucleum futuri calculi constituere possit. Vel a crassamento urinæ nasci forte potest, ut in pueris quandoque accidit, qui non raro calculo vesicæ laborant, tamen nunquam nephriticis doloribus ante affecti fuerunt: unde calculi extracti fuerunt ex puerorum vesicis, nucleos habentes, a reliquo integumento nec colore nec substantia ullo modo variantes.

Hic omitti non debet, quod in vesica omnium optime urina ad calculum generandum disposita sit, præsentem aliquo corpore heterogeneo. Conditio enim naturalis vesicæ, quando urina plena est, maxime hoc promovet: unde ab omni puncto omnibus particulis, huic negotio aptis, liberum accessum præbet, hinc quamdiu in vesica manet calculus, novis incrustationibus, a nova materia accedente, propter novam urinam perpetuo affluentem, obducitur. Calculos hacce ratione augescere, docent calculi dissecti, nam ex orbicularibus lamellis, sibi invicem appositis, constant, haud secus ac in ceparum putaminibus & lapide Bezoardico videtur. Sed observatum est in calculis, quo propiora ad nucleum sunt strata, eo laxiorem esse partium cohæSIONem, & friabilitatem majorem, & quo propiora superficiei, sive extimo orbiculo, eo densiora & compactiora: unde, cæteris paribus, quo major est calculus, eo densior; hinc in uno eodemque calculo illa varietas colorum, quæ sæpe deprehenditur.

Quoad molem sive magnitudinem, ad quam calculi renum & vesicæ augentur & increscunt, varietas est magna & limites fere non agnoscit; namque inventi fuerunt a granorum pau-

Riverius

(a) Lib. 14. Cap. de calculo vesicæ.

paucorum pondere ad uncias, imo etiam in vesica urinaria ad libras. In cadavere hominis cujusdam, qui, dum vivus doloribus nephriticis crebro infestabatur, & de pondere renis sinistri, quoties veheretur in rheda, conquerebatur, calculus renis sinistri substantiam occupans inventus est, magnitudinis ovi (β) gallinacei, rostro acuto in cavitatem renis definens, præter alios minores in utroque rene angulosos. De calculo, in rene invento, mentio est facta, qui uncias (γ) septem cum semisse ponderabat, simulac esset extractus. In vesica deprehensus fuit calculus, uncias (δ) triginta & duas ponderans. Mentio etiam est facta de calculo, ponderante uncias (ϵ) quinquaginta & unam, & in vesica invento.

Causæ procatacticæ, quarum ope corpus maxime disponitur ad calculi generationem, nobis quærendæ sunt, in rebus, non naturalibus dictis, quæ sunt aër, cibus & potus, motus & quies, animi affectus, retenta & excreta, somnus & vigiliæ.

Imprimis in aëre: si aër nimis æstuet, per nimias perspirationes & sudores, sanguis liquidissimis suis partibus orbatur, hinc reliquum increassatur & minus mobile fit, unde obstructions facilius excitari possunt. Si nimis frigidus sit aër, omnia vasa coarctat, sanguinem coagulat: cujus si portio quædam postea in renes pellatur, ibi obstructio fit, quæ rudimentum calculi formare potest. Si nimis humidus sit aër, totum corpus quasi in balneo vaporis hæret, unde laxitas summa inducitur, & in vasa facilius admitti possunt globuli, iis non destinati, unde obstructio, quæ in rene æque fieri potest, ac in aliis corporis partibus.

In cibo & potu peccare possunt homines quoad quantitatem, cum ab ingluvie sola (ubi plus scil. assumitur, quam digeri potest, aut in nostram naturam mutari) calculi generari possint, ut in pueris quandoque accidit. Quoad qua-

B 3

lita-

(β) Rolfincius in Dissert. Anat. L. I. c. 13.
157, (δ) Ibid. N. 134. (ϵ) Ibid. N. 222.

(γ) Tr. Phil. N.

liratem, cum ea assumant, quæ difficillime digeruntur, & crassum & viscosum chylum generant, ut caro bubula, suilla, omnia salita, & fumo vel aëre indurata: aves itidem palustresque pisces, in aqua limosa degentes: olera cruda nisi incidentibus & detergentibus misceantur. Huc etiam referuntur casei nimius ulus: castaneæ, pyra lapidosa, cydonia, mespila, similesque fructus, qui austeritate sua vasa coarctant: aromata acriora, & alimenta iis condita, ut piper, zingiber, sinapi, quæ omnia maxime calefaciunt, & subtiliorem sanguinis partem dissipant.

Inter potus genera, ad renum vesicæve calculum producendum apta, sunt vina austera, crassa, nova, nondum defæcata: cerevisia nova, vel nimis vetus, lupulata nimium, crassa, nondum fermentata: aqua crassa, palustris, e glacie aut nive liquata, nisi usus ejus præcefferit: potus frigidus, subito ingestus, præcipue si corpus cale scat, admodum nocet; nam omnia vascula uno momento constringit, unde ad calculum disponitur corpus: spiritus vini & plerique potus generosi calculi productionem promovent, unde bibaces omnium frequentissime hoc morbo corripuntur.

In motu & quiete peccari potest: exercitia vehementiora calculis producendis favent, quatenus tenuiores sanguinis partes per nimiam sudoris profusionem ab iis diffantur, & humores, qui remanent, crassi & tenaces redduntur. Quies nimia minuit velocitatem in omnibus humoribus, hinc concretiones, inspissationes fluidorum producuntur: unde videmus, homines ignavos & pinguescentes, illosque, qui vitam sedentariam degunt, sæpius calculo affligi, quam etiam ob causam calculus podagræ individuus fere est comes. Observatur vero, illos, qui corpus modicis agitant exercitiis, vix calculo infestari: hinc rustici minus calculo laborant, quam illi, qui nocte dieque chartis, literisque adstricti impallescent.

Excessus somni & vigiliarum symbolas huic morbo conferunt. In priori casu excretiones impediuntur; nam dum dormimus, longe majorem urinæ copiam in vesica ferre possumus, quam dum vigilamus. Vigiliæ præterea nimiae coctiones impediunt.

Re-

Retenta & excreta præternaturaliter, quoque efficiunt. Fæces alvi & urina retenta cruditates plurimas & terrestrem materiam in sanguine accumulanti. Excretiones five evacuationes nimiae nocent, quatenus ab iis tenuiora evacuantur justo majori copia, & crassiora remanent.

Animi affectus, tristitia & mœror vires naturales dissolvunt, corpus debilitant, coctiones impediunt, & sanguinem ad motum nimis lentum disponunt. Ira febres magnas subito accendit, unde sanguis magna vi undequaque pellitur, hinc crassiores sanguinis particulæ, in vasa, tenuiori devehendæ lymphæ destinata, ingrediuntur, unde iterum se expedire nequeunt: hinc hominibus, calculo renis obnoxiiis, ira correptis, dolores nephritici statim incrudescunt.

Dictis his addi potest, vestimenta densiora, lectos calefacientes, usum Veneris intemperantiorem inimicissima esse. Quid verbis opus est, hereditaria dispositio ad calculi generationem, uti & mala vasorum conformatio omnium forte maxime, funesto huic malo producendo inserviunt.

De Principiis, ex quibus calculi conduntur, Medici inter se discrepare solent: alii tartarum principium esse dicunt, alii hoc, alii illud affirmant; sed qualia sint illorum principia, vide in experimentis, in *Transactionibus Philosophicis*, captis a Dr. FRED. SLARE, & in *Memorab. Academiæ Scientiarum* a D. BOLDUC institutis &c.

Ad signa diagnostica nunc transeamus, & imprimis de diagnosticis, quæ ad calculum renis spectant, agendum est. Dum in rene hæret calculus, dolor fixus, obtusus, pulsatilis sentitur, &, si calculus sit major, gravantis cujusdam ponderis sensus occurrit; adde, quod propter consensum partium nausea & vomitus tunc temporis oriantur. Urina cruenta apparet, quod fit, quando calculus asperitate sua partes lacerat, & erodit tali modo, ut sanguis exstillet. Symptoma hoc se manifestare solet præcipue post equitationem, ambulationem multam, aut exercitium quodvis vehementius. Cognoscitur etiam ex arenulis five lapillis, cum urina sæpe emissis, ut & carunculis, pure, filamentis.

Si-

Simulac calculus ex rene motus in principium ureteris se insinuaverit, dolor acutus, lancinans, omnium crudelissimus oritur, & tamdiu durat, quamdiu calculus in uretere manet. Hinc oriuntur difficilis flexio dorfi, & quandoque stupor cruris: porro in latere affecto retractio sursum testis, ita ut quasi inguini videatur infixus. Urina simul sub paroxismo ingruente, sive antequam calculus incipit moveri, subinde variat: in initio paucae & aquosae minguntur urinae, postea perfecta earum suppressio, si scil. uterque ren simul afficiatur. Interdum, imo saepius urina apparet intense rubra, crassa, fere subcruenta, & quasi sanguine esset diluta.

Diagnosıs calculi vesicae proxime sequitur. Calculum in vesica haerere cognoscitur ex sequentibus. Nephriticis doloribus praegressis, in initio, dum calculus parvus est, sentiunt aegri obstaculum quoddam, quod se opponit meatui urinario inter mingendum, ita ut interdum urina in medio sui cursus supprimatur, unde assiduus ad urinam reddendam stimulus, & summa mejendi difficultas, atque urinae stillicidium. Anus quoque in consensum trahitur, unde tenesmus oritur, quod est unum ex potissimis signis: dolor obtusus in collo vesicae percipitur, qui circa finem mictionis exasperatur, & si majorem molem calculus contraxerit, quoddam pondus ad perinaeum & os pubis sentitur. Dolor, pruritus in glande penis hoc quoque indicant: erectio frequens in pueris certum est signum, quia in iis naturaliter non fit. Insuper qui calculo vesicae laborant, urinam albam, crassam, cum sedimento mucoso plerumque reddunt. Vesicam calculo laborare ex urinis hoc modo judicat (?) HIPPOCRATES. *Quibus in urina subsident sabulosa, iis vesica calculo laborat.* Si calculus in vesica haereat, deprehendi potest in maribus, intrudendo digitum in anum & premendo intestinum rectum contra vesicam: in foeminis digito in vaginam intruso, (quia vesica sita est supra vaginam, id est, vagina posita

(?) Sect. 4. Aphor. 79.

posita est inter vesicam & intestinum rectum) vel cathetere in vesicam per urethram immisso, & secundum artem agitato.

Quoad prognosin: dum calculus in molem majorem crescit, gravissima mala gignit, ut partium erosiones, inflammationes, exulcerationes, gangrænas, dolores acerrimos, vigiliæ, virium dejectiones, febres, urinæ suppressiones aliæque symptomata perniciosissima. *Senibus*, juxta (1) HIPPOCRATEM, *vitia renum & vesicæ difficillime sanantur*. In macilentis multo periculosiores esse calculos, scriptores memorant, quam in iis, qui obesiores sunt. Si affectus hicce ab hereditaria dispositione & a paterna labe contractus fuerit, incurabilis est, & lethalis tandem evadit. Si urina prodeat tenuis, præsertim si diutius talis duret, nec ab ingurgitatione potus proveniat, mali est ominis. Contra, si urinæ tenues antea excretæ, emittantur postea crassæ, turbidæ cum sabulo, arenulis & quasi frustulis lapideis, signum est bonum. Si dolor ad plures dies perseveret, neque ulla levâri possit ope, superveniens frigus extremorum, aut sudores frigidi, idque cum urinæ suppressione, mortem in propinquo esse notant.

Prognostica calculorum vesicæ hujusmodi sunt. Si calculus sit parvus, nec in corpore cachexia, vel humorum ad calculum generandum magna adsit copia, uti nec hereditaria ad illum dispositio, bona inde prognosis haurienda est. Si calculus sit magnus, æger liberari non potest, nisi se operationi Chirurgicæ submittat. Quod si lapis inconsuetæ magnitudinis sit, omnino de curatione desperandum est, & nihil in tali casu tentandum. Similiter qui calculum, in folliculo inclusum, sive membranæ vesicæ annexum, gestat, non attingendus, uti & senes debiles, infantes, & qui viribus omnino deficiunt. Econtrario si vires consent ægris, nec calculi nimis sint magni, quamvis numero plures, viscera bene disposita, operatio aggredienda est. Felicius & se-

C

cu-

(1) Sect. 6. Aphor. 6.

curius ejiciuntur & extrahuntur calculi ex mulieribus quam viris, quia brevem & amplum habent urinarium meatum. Exempla sunt calculorum insignis magnitudinis, qui expulsi fuerunt per meatum urinarium. Calculus a muliere ætatis 63. per meatum urinarium (9) expulsus erat, cujus circumferentia quinque pollices cum semisse, longitudo quatuor & tres quartas partes pollicis mensurabant: pondus unciarum trium ~~&~~ Avoird. erat. Alterius, naturæ (1) ope, sine medicamentis usitatis, expulsi calculi exemplum est, cujus circumferentia longissima septem pollices & ultra, circumferentia minima quinque & tres quartas partes pollicis mensurabant, & qui secundum libr. medicam uncias duas, drachmas duas, scrupulum unum & grana sex ponderabat.

Hisce nunc positis & præmissis, pergimus ad illa, quæ ad curationem pertinent, tam quidem ad hostem avertendum, quam præsentem extirpandum. In iis ut methodice progrediamur, tria hæc observari debent: 1. Ut causæ calculi generandi tollantur, & cum semel genitus fuerit, ut ejus incrementum impediatur. 2. Ut calculus jam genitus expellatur. 3. Ut symptomata, quæ calculum concomitari solent, tollantur.

1^o. In curatione prophylactica nil magis commendandum est iis, qui calculis obnoxii sunt, quam regimen accuratum in cibo & potu. Quapropter omnia, in p. 14. allegata, vitari debent, & quantum possibile eligi ea, quæ facile digeri possunt, & attenuandi & incidendi vim habent. Ad quem scopum commendanda sunt juscula carniū cum oleribus tenuissimis incoctis, ut sunt rad. scorzonæræ, petroselini, chærophylly, dauci &c. in *Materia Medica* a Clariss. BOERHAAVE descripta. Monet SYDENHAMUS, ut calculosi assument prandium ex quovis ciborum genere eupepto modice: verum loco cœnæ haustum cerevisiæ alicujus tenuioris liberaliorem sibi indulgeant. Hac ratione calculus non augetur: quod si ægri omnia, in p. 14. allegata, assument, in magnam
molem

(9) Transact. Phil. N. 178.

(1) Ibidem.

molem cito crescit. Exercitium moderatum, habita ætatis roborisque ægrotantium ratione, maxime prodest, violenta vero fugienda sunt. Caveantur etiam animi pathemata, præcipue ira, quantum enim mali in hoc casu adferat, antea dictum est: aër eligendus est purus & serenus.

Si crudi & viscosi sint humores in corpore ex inordinata diæta, aut alia quavis causa geniti, cathartica profunt: cui usui manna, cassia, diaprunum &c. conveniunt. Vomitoria sæpius iterata etiam conducunt, si modo cruditates in ventriculo sentiantur, aut æger nauseet, & ad vomitum sit proclivis. Vomitus vero incitandus est cum aqua, in qua mel solutum est, oxymelle scillitico, & similibus, ad hanc rem accommodatis. Hisce methodis sæpe cum successu noxius humor educitur, & protinus a renibus revellitur. Si quid istiusmodi materiæ crudæ in renes irrepperit, statim diureticorum ope expellendum est. Hunc scopum præ cæteris attingunt terebinthina, & medicamenta terebinthinata, aquæ quoque minerales maxime conducunt.

2. Quando per symptomata noscitur, calculum in renibus concretum esse, quantum fieri potest, dum parvus est, expulsio ejus tentari debet. Sed antequam calculus ex rene expellatur, viæ, per quas transire debet, laxandæ & lubricandæ, quod effici potest methodis sequentibus. (1) Per clysmata emollientia, ut ex rad. althææ, liliorum alborum, *fol.* malvæ, parietariæ, verbasci, violarum, mercurialis: flor. meliloti, liliorum alborum, sambuci: sem. lini, fænigræci &c. & quia necesse est, ut fæces alvinæ deponantur, addatur stimuli aliquid, ut sal marinus, sal gemmæ, nitrum, aut laxativum aliquod electuarium. Vel enemata ex oleis puris, ut sunt oleum lini, liliorum alborum, olivarum, amygdalarum dulcium &c. possunt adhiberi. (2) Ut partes adhuc magis laxentur, monent Medici, ut æger insideat semi-cupio, vel balneo, ex emollientibus facto, ad umbilicum usque. Si vires ægri hoc non permittant, ad eundem finem, cataplasma ad regionem lumborum, ex emollientibus confectum, imponatur. Fomenta ex similibus parata spongiis quoque

applicentur. Sacculi præterea commendantur, ut & lini-
menta, facta ex oleosis emollientibus, quibus secundum
ductum ureteris illiniatur. Sunt etiam medicamenta ore su-
menda, quæ vias, per quas calculus ejiciendus est, laxant
& lubricas reddunt: ad hunc finem laudatur oleum amy-
gdalarum dulcium, oleum olivarum, cassia ex fistula tucta:
manna, in sero lactis soluta, omni matutino tempore sum-
ta, ad quantitatem sufficientem, maxime prodest; emollit
enim & lenissime solvit. Conveniunt itidem decocta oleosa.
Juscula carnum juniorum subpinguia, cum rad. scorzonæ
petroselini, vel fol. lactuæ, tragapogonis, acetosæ &c. co-
cta, & sale moderate condita, & largiori hauſtu sumta, pro
nutrimento inservire possunt, quippe quæ emolliunt, & diu-
resin levem promovent. Hisce peractis, & viis satis laxatis,
nil remanet, nisi ut calculus ex rene expellatur, quod fit
ope illorum medicamentorum, quæ urinam movent, & no-
mine proprio diuretica dicuntur. Apud auctores catalogus
satis magnus invenitur. Huic scopo formula accommodata
est in *Materia Medica Clariss.* BOERHAAVII. Terebin-
thinata, & aquæ minerales quoque profunt. Sed SYDEN-
HAMUS monet, ægrum non tuto iis uti posse, nisi prius
certo sciat, calculum majorem non esse, quam ut per ure-
teres viam possit invenire, quod hoc modo tantum certo po-
test dignosci, si jam antea paroxysmum aliquem nephriticum
fuerit perpeſsus (cum dolore scil. sævissimo in renum alte-
ruto, per ureterum ductus propagato & vomitu enormi),
tum pro comperto habeat, non tam grandiore aliquem in
pelvi calculum includi, quam lapillorum exiguorum conge-
riem, quorum unus subinde in ureterem illabitur, atque ita
paroxysmum invitat. Cum res ita se habeat, potatio li-
beralior earum aquarum est remedium efficacissimum, ad eos
e renibus deturbandos, maxime si cum hisce æger utatur ex-
ercitio, ut vectione in rheda per loca salebrosa, equitatio-
ne ad illum gradum, quo equus succussare dicitur. Quod si
hac methodo calculus non deturbetur, tantum superest, ut
vomitorium præscribatur una cum diureticis.

Si

Si calculus ex rene in ureterem pulsus sit, & ibi hæreat propter magnitudinem ejus, vel, quia ureter non satis laxus est, descendere nequeat, quod ex signis scitur, eadem, quæ antea dicta sunt, nempe clysmata laxantia, oleosa &c. ut casus requirit, adhibenda sunt: sed nunquam quiescere debet æger, donec in vesicam fuerit protrusus. Dum calculus in uretere hæret, propter irritationem ureter spasmus se contrahit, & calculum undequaque comprehendit, quapropter dimitti non potest, nisi spasmus prius tollatur: hoc casu remedium efficacissimum ad calculum pellendum est opium, cum diureticis mixtum: huic negotio adaptata est formula in *Materia Medica* ante citata. Vel sumatur opium purissimum in forma pilulæ, superbibendo quendam haustum diureticum, cum eatur cubitum: ab hac methodo dicit *Clariss. Professor. BOERHAAVE*, felicem se sæpe vidisse successum; nam sopitis opio contractionibus ureterum spasmodicis, calculus per vim urinæ, ope diureticorum motæ, & a tergo urgentis dimotus, in vesicam haud magna difficultate protruditur.

3. In curatione id quod amplius desideratur est tantum, ut symptomata, quæ calculum expellendum concomitari solent, tollantur. Imprimis, si inflammatio sit magna & corpus plethoricum, missio sanguinis convenit: in hoc casu indicantur etiam diluentia decocta, antiphlogistica, emollientia, lenientia, clysmata, fomenta, balnea, ex iisdem constantia. Victus humidus, vitatio lecti calidi, præcipue decubitus in dorsum. Si vomitus adsit, quoties æger vomit, toties detur aqua, in qua mel solutum est: sed vomitu desistente sumatur aliquod narcoticum. Si dolor adsit nimius, emulsiones, anodyna & opiata dari possunt, clysmata antea dicta, ut & medicamenta, ex iisdem constantia, & ore hausta.

Si calculus sit magnus, & methodis antea dictis ex rene protundi non possit, quid remanet agendum: an dissolvi possit, an sola sectione extrahi debeat? Quoad dissolutionem ejus nihil magis familiare est, quam quod scriptores glorien-

tur, se medicamenta lithontriptica possidere, quibus calculum, in renibus & vesica concretum, solvere, & frustulatim educere e corpore possunt: sed procul dubio multi decepti jactaverunt de quodam lithontriptico, cum per diuretica fortiora, cum urina arenulas & lapillos ejici viderint. PARACELSUS & HELMONTIUS dicunt, se calculum renum curare posse per ludum illorum: sed multi sunt, qui dubitant, an hi vel ulli alii tale medicamentum possederint, quod effectus tam præclaros unquam ederet.

Si æger nulla methodo liberari possit a calculo in rene incluso, ultima methodus est Nephrotomia. Operatio certe audacissima, & non sine summo periculo, & suspitione mortis tentanda: tamen cum successu aliquando peracta fuit, cujus rei exempla prostant. DOMINICUS de MARCHETTIS Paduæ aggressus est hanc operationem in Domino Hobson, qui res Anglicanorum mercatorum apud Venetos procurabat, ex cujus rene duos tresve calculos extraxit, sed vulnus nunquam coalescere potuit, sed semper remansit fistula, per quam urina fluebat. Historia hujus operationis habetur in (x) *Transact. Philos.*

Multi cogitaverunt (λ) HIPPOCRATEM de hac operatione locutum fuisse, cum in enumeratione morborum renum & curationum illorum dicit: *Ubi vero intumuerit & extuberarit, sub hoc tempore juxta renum secato, & extracto pure medicamentis, arenam per urinam cientibus, curato.* Exemplum apostematum in renibus, a calculo ibi hærente, & se manifestante extrorsum per tumorem, satis-familiaria sunt, quibus apertis lapides eruperunt, una cum pure, aut cito postquam illud fuerit evacuatum: hic est casus in quo HIPPOCRATES sectionem laudat.

Si calculus in vesicam delapsus sit, quod ex doloris nephritici prægressi remissione scitur, quamprimum, si possibile sit, expellendus est, ne crescens pejor fiat. Expulsio ejus acceleratur ope remediorum, quæ urethram relaxant & emol-

(x) N. 223.

(λ) de Intern. Affect. Sect. 5.

emolliunt, ut sunt balnea, fomenta, linimenta, clysmata mollia oleosa: oleum amygdalarum dulcium vel lini, per urethram in vesicam injectum, quod dolorem mitigat, & acrimoniam urinæ obtundit, urethram quoque laxat & lubricat, qua ratione calculus facilius vesicæ sphincterem superare potest, & per urethram expelli. Quod si calculus superato sphinctere in urethra hæreat, & transire nequeat, totus penis, scrotum & perinæum foveri debent mucilagine seminis fænigræci, lini, rad. althææ & similib. Oleum amygdalarum dulcium ope syringæ contra calculum injicere, & digitis, inter collum vesicæ & calculum positus, sensim protrudere multum prodest, vel usurpeter auriscalpium specillum, quod, oleo prius illinitum, prudenter immitti debet, ita ut calculus cochleari prehensus leniter extrorsum trahatur. Vel secundum methodum Ægyptiorum ~~suffunditur~~ *elux* in urethram ope cannulæ cujusdam: de hac methodo videatur PROSPER ALPINUS. Si bonus eventus hisce non respondeat, calculo adhuc immobili manente, incisio super calculum facienda est. Sed hanc operationem nimis diu differre non licet, propter inflammationem, quæ aliquando degenerat in gangrænam. Si calculus major sit, quam ut per collum vesicæ expelli possit, nil superest, quam ut æger ad lithotomiam ablegetur. Operatio hæc variis methodis peragi potest, sed methodus *Rauiana*, utpote tutissima & optima, præ cæteris a *Clariss.* BOERHAAVE commendatur.

In mulieribus hæc operatio minus periculosa est, quam in viris; operatio enim perfici solet dilatatione meatus urinarii, sed hoc periculum sæpissime habet, ut, si calculus paulo major sit, sphincter inde lædatur, & ægra urinæ incontinentia per totam vitam laboreat: quapropter RAUIUS, ut melius hoc malum evitaret, per vaginam in ipsam vesicæ cavitatem incidere solebat, prius immisso cathetere, qua ratione incontinentia urinæ omnino potuit cohiberi.

Hæc sunt, quæ cursim de calculo conscripsi: quæ, qualiacunque sint, Lector Benevole, in partem meliorem ut interpretari & defectus omnes supplere velis, etiam atque etiam rogo.

F I N I S.

